

REGLUR

um innkaup og sölu áfengis og skilmálar í viðskiptum við birgja.

1. Reglur um flokka áfengis.

1.1. Áfengi er deilt í 6 söluflokka:¹

- Kjarna
- Reynsluflokk
- Þróunarflokk
- Sérflokk
- Mánaðarflokk
- Sérpantanir

1.2. Í *kjarna* eru sölutegundir (vörunúmer)¹ sem flust hafa úr reynsluflokki í kjarna og vorur sem voru í þeim flokki 1. mars 1994 og eigi hafa fallið úr kjarna samkvæmt ákvæðum reglna ÁTVR um innkaup og sölu áfengis. Kjarninn er endurmetinn í mánuði hverjum. Um brottfellingu vöru úr kjarna fer eftir ákvæðum tl. 1.6. Verði sú breyting á smásöluverði án aðgerða birgis að vara flytjist milli vörflokka¹ (verðflokka)¹ byrjar varan nýtt viðmiðunartímabil í nýja vörflokknum. Birgðir sölutegundar, sem felld hefur verið úr kjarna, má selja sem um vöru í kjarna væri að ræða. Séu tvær eða fleiri sölutegundir sömu áfengistegundar¹ boðnar til sölu og hvorug eða engin þeirra nær áskildu söluhlutfalli en samanlögð sala áfengistegundar nær söluhlutfallinu, þá skal sú sölutegund, sem mest hefur selst, haldast áfram í kjarna en aðrar sölutegundir skulu falla úr kjarna.

1.3. Áfengi í kjarna er til sölu í öllum aðalverslunum ÁTVR. Í verslunum ÁTVR í Borgarnesi, Ólafsvík, Stykkishólmi, á Patreksfirði, Blönduósi, Siglufirði, Húsavík, Seyðisfirði, Neskaupstað og Höfn skulu a.m.k. 5 mest seldu sölutegundir af bjór vera falar. Í sömu verslunum skulu a.m.k. 3 mest seldu sölutegundir úr öðrum vörflokkum vera falar.

1.4. Í *reynsluflokki* eru að jafnaði 20% af tölu þeirra áfengistegunda sem eru í kjarna. Áfengi í reynsluflokki er selt í Kringlunni, Heiðrónu, á Seltjarnarnesi og Akureyri. Áfengi í þessum flokki er í reynslusölu 8 mánuði. Að loknu því tímabili flyst sölutegundin í kjarna nái hún söluhlutfalli sem áskilið er skv. ákvæðum tl. 1.6. Við útreikning skal miða við sölu í 6 heila mánuði er næstir koma fyrsta mánuði sölutímans og salan borin saman við heildarsölu vörflokksins á sama tímabili í þeim verslunum ÁTVR sem hafa vöru í reynslusölu að frátalinni sölu í sérflokki og sérpöntunum. Sé vörflokki deilt í verðflokka skal sölutegundin vera í sama verðflokki allan reynslusölutímann. Vara, sem fellur úr reynslusölu vegna ónógrar eftirspurnar, verður ekki tekin aftur til reynslu fyrr en 12 mánuðir hafa liðið frá því sölu hennar var hætt. ÁTVR tekur aðeins eina tegund í hverjum vörflokki til reynslusölu eða á biðlista til reynslusölu frá sama birgi.

1.5. Í þróunarflokki eru nýjar tegundir áfengis, er fara í reynslusölu án veru á biðlista. Tegundin telst ný hafi varan ekki verið fól í verslunum ÁTVR eða erlendis. Varan sé að efnainnihaldi frábrugðin öðrum vörum á markaði innanlands og utan. Með vöruna skal fara að öðru leyti með sama hætti og gildir um vöru í reynsluflokki. Vara í þróunarflokki hefur ekki áhrif á tölu þeirra sölutegunda er veljast í reynsluflokk hverju sinni né veru annarra sölutegunda frá framleiðanda þróunarvöru á biðlista eftir reynslusölu.

1.6. Í mánuði hverjum birtir ÁTVR sölutölur undanfarinna 12 mánaða eftir vörflokkum/verðflokkum. Tölurnar eru yfir samanlagða sölu í þeim vínbúðum, sem hafa allar tegundir í kjarna, að frátalinni sölu vöru í sérflokki og sérpöntunum. Sé sala í vörflokki (í lítrum)

¹ Sjá orðskýringar í tl. 1.12.

undir 1.000 lítrum á undanförnum 12 mánuðum, fellur sölutegund úr kjarna, hafi hún eigi náð a.m.k. 10% af sölu í vöruflokknum á sama tímabili. Sé sala í vöruflokki frá 1.000 og að 10.000 lítrum eru samsvarandi mörk 5%. Fyrir vöruflokk sem selst frá 10.000 lítrum og að 50.000 lítrum eru mörkin 2%. Vöruflokkur sem selst a.m.k. í 50.000 lítrum hefur mörk a.m.k. 1% til að söluvara haldist í kjarna.

1.7. Samsvarandi mörk eru fyrir vöru í reynsluflokki og þróunarflokki. Sala á þeim 6 mánuðum, sem mæling tekur til, þarf að ná hlutfallslega sama söluárangri og væri hún í kjarna.

1.8. *Sérflokkur* tekur til vöru sem er keypt inn til að auka fjölbreytni í úrvali. Vöruvalsnefnd ÁTVR ákveður hvaða tegundir áfengis eru falar í sérflokk.

Sala vöru í sérflokkki telst ekki, þegar metinn er söluárangur í kjarna, í reynsluflokki eða þróunarflokki sbr. tl. 1.6.

1.9. Í *mánaðarflokk* fer áfengi sem ætlað er til sölu í ákveðnum mánuðum. Mánuðirnir eru þessir: Þorri, páskamánuður, október, jólamánuður. Söluþími mánaðarvöru verður að hámarki 6 vikur. Dreifing fer fram í öllum verslunum ÁTVR. Tekið verður við mánaðarvöru frá þeim framleiðendum sem hafa vöru í *kjarna* enda sé mánaðarvaran framleiðsla þeirra. Mánaðarvara þarf að hafa efnainnihald sem er frábrugðið allri annarri vöru sama framleiðanda.

Sé mikill fjöldi sölutegunda boðinn til sölu í mánaðarflokki getur ÁTVR ákveðið að taka aðeins eina tegund í hverjum vöruflokki til sölu frá sama birgi.

1.10. Áfengi sem fellur ekki undir ofangreinda flokka, má *sérpanta*.

1.11. Áfengi í kjarna og reynsluflokki er skipt í eftirfarandi vöruflokka:

- 01 (1) Rauðvín, verð undir 1200 kr. á lítra
- 01 (2) Rauðvín, verð frá 1200 - 1499 kr. á lítra
- 01 (3) Rauðvín, verð frá 1500 - 1799 kr. á lítra
- 01 (4) Rauðvín, verð frá 1800 kr. á lítra
- 02 (1) Hvítvín, verð undir 1200 kr. á lítra
- 02 (2) Hvítvín, verð frá 1200 - 1499 kr. á lítra
- 02 (3) Hvítvín, verð frá 1500 - 1799 kr. á lítra
- 02 (4) Hvítvín, verð frá 1800 kr. á lítra
- 03 (1) Rósavín, verð undir 1200 kr. á lítra
- 03 (2) Rósavín, verð frá 1200 kr. á lítra
- 04 (1) Freyðivín, verð undir 1200 kr. á lítra
- 04 (2) Freyðivín, verð frá 1200 - 1499 á lítra
- 04 (3) Freyðivín, verð frá 1500 kr. á lítra
- 05 (1) Styrkt vín, verð undir 2000 kr. á lítra
- 05 (2) Styrkt vín, verð frá 2000 kr. á lítra
- 08 Kryddvín
- 10 Brandí
- 13 Viskí
- 14 Snafs
- 15 Vodka
- 16 Einiberjabrennivín

- 18 Romm
- 20A Líkjör, vínandi minni eða jafn 22% m.v.r.
- 20B Líkjör, vínandi yfir 22% m.v.r.
- 21A Bitter, vínandi minni eða jafn 22% m.v.r.
- 21B Bitter, vínandi yfir 22% m.v.r.
- 22A Ávaxtabrandí
- 22B Ávaxtavín
- 22C Annað áfengi, vínandi yfir 22% m.v.r.
- 23 Annað áfengi, vínandi minni eða jafn 22% m.v.r.
- 26 Ávextir lagðir í vínanda
- 60A (1) Ljós lagerbjór, verð undir 380 kr. á lítra
- 60A (2) Ljós lagerbjór, verð frá 380 kr. á lítra
- 60B Öl
- 60C Annar bjór

1.12. Orðskýringar.

Söluflokkur: Röðun vöru í hóp eftir aðgengi hennar í verslunum ÁTVR. Dæmi: Kjarni.

Vöruflokkur: Skipan vöru í hóp eftir meginæinkennum sem oftast tengjast mismunandi hráefnum eða framleiðsluaðferðum. Dæmi: Rauðvín, viskí.

Verðflokkur: Undirflokkur vöruflokks. Dæmi: Rauðvín á 1200 - 1499 kr.

Áfengistegund: Vara sömu gerðar að efni til þótt einstakar einingar hennar geti verið breytilegar eftir umbúðum. Dæmi: Mateus rósavín.

Sölutegund: Vara sem er svo frábrugðin öðrum vörum að hún fær sérstakt númer og verð í söluskrám ÁTVR. Dæmi: 750 ml flaska af Mateus rósavíni.

2. Um meðferð tilboða á vöru í reynslusölu.

2.1. Tilboð á að færa á skrá í þeirri röð sem þau berast. Skráin sýni nafn tilboðsgjafa, heiti vöru og umbúðastærð. Skráin liggja frammi í afgreiðslu ÁTVR, Stuðlahálsi 2, 110 Reykjavík, þeim til skoðunar, sem óska.

2.2. Tilboð og sýnishorn fara til vöruvalnefndar sem metur vöruna og gefur skriflega umsögn, leggist hún gegn reynslusölu. Umsögn er fól þeim sem bauð fram vöruna.

2.3. Að fengnu mati vöruvalnefndar skal tilkynna þeim sem tilboð gaf niðurstöðu. Hafi nefndin ekki mælt gegn reynslusölu, gengur innkaupastjóri frá samningi við tilboðsgjafa í samræmi við tilboðið og innkaupaskilmála ÁTVR. Samningur skal gerður a.m.k. 3 mánuðum áður en reynslusala hefst.

2.4. Pöntun á vöru fari fram skv. ákvæðum viðskiptasamnings, sbr. lið 2.3.

3. Um sérpantanir.

3.1. ÁTVR heldur uppi pöntunarþjónustu á áfengi, sem ekki er boðið fram í öðrum söluflökkum.

3.2. Allar verslanir ÁTVR veita pöntunum á áfengi frá innlendum birgjum viðtöku enda sé vara sú sem eftir er leitað á verðskrá yfir sérpantanir. Fyrir hverja pöntun greiðir kaupandi 400 kr. í pöntunarkostnað sem eru óafturkræfar nema því aðeins að engin pantaðra tegunda sé fánleg. Greiðslan er óháð magni og fjölda tegunda. Varan verður afhent kaupanda í þeirri verslun sem hún var pöntuð.

3.3. Þjónustudeild Heiðrúnar, Stuðlahálsi 2, sérpantar áfengi af frísvæði eða erlendis frá gegn greiðslu á 400 kr. pöntunarkostnaði og með sömu skilmálum og frá er greint í tl. 3.2. Að auki greiðir sá er pantar ÁTVR tryggingarfé er nemur áætluðu cif-verði vörunnar. ÁTVR afhendir vöruna í þjónustudeild Heiðrúnar eða þeirri verslun ÁTVR utan Reykjavíkursvæðis er kaupandi tilgreinir.

3.4. Sala sérpantaðrar vöru telst ekki, þegar metinn er söluárangur í kjarna, reynsluflokki eða þróunarflokki sbr. tl. 1.6.

4. Skilmálar í viðskiptum við birgja.

4.1. Reglur fyrir birgja sem selja vilja áfengi í kjarna, til reynslu, í þróunarflokki eða í mánaðarflokki.

4.2. Senda skal ÁTVR tilboð um vöru, verð og staðfestingu þess að þeim séu kunnir innkaupaskilmálar ÁTVR og þeir séu reiðubúnir að hlíta þeim. Birgi á EES svæði er heimilt að bjóða verð vöru í mynt lands innan svæðisins að eigin vali. Birgir utan svæðisins skal bjóða verð í USD eða GBP. Allir verðþættir vöru skulu vera í sömu mynt.

4.3. Tilboði skal skila á þar til gerðum eyðublöðum sem ÁTVR lætur í té. Texti eyðublaðanna er á íslensku og ensku.

4.4. Innihaldslýsing fylgi bréfi skv. tl. 4.2. og tl. 4.3. Litarefna skal getið og brennisteinstvívildis (SO₂), séu efni þessi í vörunni. Sýnishorn, a.m.k. 2 sölueiningar, berist ÁTVR án endurgjalds a.m.k. fjórum mánuðum áður en vara fer í reynslusölu. Lausir merkimiðar fylgi umbúðum. Merkimiðar beri með sér stærð umbúða og magn vínanda miðað við rúmmál. Sömu reglur gilda um mánaðaryöru og þróunaryöru að því frátöldu að dagsetning skila á sýnishornum fer eftir ákvörðun ÁTVR hverju sinni.

4.5. Áletranir og umbúðir verða að vera í samræmi við reglur og staðla Evrópusambandsins. Strikamerki - EAN eða UPC - verða að vera á hverri sölueiningu.

4.6. Merking á smásöluumbúðum bjórs verði þessi:

Nafn vöru.

Nafn og heimili framleiðanda er fyllir á umbúðir eða selur ÁTVR.

Magn vínanda miðað við rúmmál eða þyngd. Viðmiðun við rúmmál er ákjósanleg. Innihald mælt í millilítrum eða sentilítrum.

Endingartími: „best fyrir“. Bjór í flöskum eða dósnum hafi a.m.k. 6 mánaða geymsluþol.

Innihaldslýsing, t.d. vatn, malt, maís, humlar, ger, sykur, geymsluþolsauki E....., litarefni E....., hleypir E..... .

4.7. Vara, sem ÁTVR kaupir, skal vera óbreytt að gerð samningstímamann nema ÁTVR samþykki annað. Það telst breyting á vöru fáa hún nýtt efnainnihald, þ.m.t. vínandastyrkleika, breytta gerilsneyðingu, stærð og útlit umbúða og gerð sölueiningar.

4.8. Bjór í reynslusölu og í kjarna verður að eiga a.m.k. 4 mánuði eftir af geymsluþoli þegar hann berst í vöruhús ÁTVR.

4.9. Hámarksstærð sölueiningar er 5 lítrar. Smásölueining öls og bjórs á flöskum innihaldi a.m.k. 750 ml. Dósir verða að vera úr endurvinnanlegu áli með föstum flípa.

4.10. Þeir sem bjóða vöru í reynslusölu skuldbinda sig til að lána ÁTVR hana (cif-verð) reynslutímamann. ÁTVR greiðir eiganda mánaðarlega andvirði seldrar vöru. Birgjar skuldbinda sig einnig til að taka til baka þá vöru sem óseld kann að vera við lok reynslutímans. Verði varan valin í kjarna fer samkvæmt samningi birgis og ÁTVR hversu mikið af hinni óseldu vöru ÁTVR kaupir. Taki birgir eigi við vörunni innan tveggja vikna frá því sölu í reynsluflokki lauk er ÁTVR heimilt að eyða vörunni á kostnað birgis. Reglur þessar gilda eftir því sem við á um vörur í mánaðarflokki. ÁTVR kaupir flestar vörur frá erlendum birgjum til sölu í kjarna á verði frá verkmiðju eða á fob-verði. Sé birgir utan Evrópu eða

Bandaríkjanna kaupir ÁTVR vöru á cif-verði, Reykjavík, eða fob-verði í höfn í Evrópu eftir því sem nánar semst um. Inkóskilmálar 1990 gilda um allar vörusendingar.

4.11. Tilgreint verði hvenær afhending vöru til ÁTVR geti hafist.

4.12. Um greiðslu á verði vöru fer eftir því sem um semst milli birgis og ÁTVR. Jafnvirði áfengisgjalds og virðisaukaskatts af því greiðir ÁTVR þó til birgis, sem nýtur greiðslufrests á áfengisgjaldi, sem hér segir:

A 15. degi hvers mánaðar eða næsta rúmhelgan dag þar á eftir vegna innkaupa 1. - 15. hvers mánaðar.

Síðasta dag úttektarmánaðar eða næsta rúmhelgan dag þar á eftir vegna innkaupa 16. - 31. hvers mánaðar.

4.13. Birgjar geta hækkað verð sitt þrisvar á ári: 1. janúar, 1. maí og 1. september. Tilkynna skal verðhækkun skriflega með a.m.k. þriggja mánaða fyrirvara þ.e. eigi síðar en 1. október, 1. febrúar og 1. júní. Óheimilt er að breyta verði á áfengi sem er í reynslusölu og skal það verð haldast óbreytt næstu 6 mánuði flytjist varan í kjarna.

5. Reglur fyrir birgja er bjóða áfengi á pöntunarlista.

5.1. *Verð:* Verð skal vera í íslenskum krónum. Verði sérpantana er aðeins hægt að breyta við gildistöku nýrrar verðskrár ÁTVR.

5.2. *Verðskrá:* ÁTVR birtir verðskrá yfir vörur þær sem hér um ræðir 1. janúar, 1. maí og 1. september. Upplýsingar um vöru, þ.m.t. afskráningu, skulu berast ÁTVR eigi síðar en 1. dag desember, apríl og ágúst.

5.3. *Ferill vöru:* Birgir afhendir ÁTVR vöruna án endurgjalds en fær andvirði hennar greitt í síðasta lagi 3 virkum dögum eftir að sá sem pantaði vöruna hefur fengið hana í hendur.

5.4. Frestur birgis til að afhenda vöru frá því hann fær pöntun ÁTVR er 3 virkir dagar.

5.5. Birgir skal afhenda vöruna til þjónustudeildar Heiðrúnar, Stuðlahálsi 2, Reykjavík.

5.6. Leysi sá er pantaði vöruna hana ekki til sín innan 4 virkra daga frá því varan var tilbúin til afhendingar í verslun ÁTVR endursendir ÁTVR vöruna til birgis.

5.7. Birgir skal tilkynna ÁTVR líklegan endingartíma birgða 10. dag hvers mánaðar og tafarlaust sé sýnt að birgðir þrjóti. ÁTVR áskilur sér rétt til að hætta viðskiptum við birgi sé upplýsingaskylda vanrækt.

5.8. Í þeim tilvikum þegar verðbreyting tekur gildi milli pöntunar viðskiptavinar ÁTVR og afhendingar vöru til hans mun varan afhent á nýja verðinu og uppgjör við birgi vera í samræmi við það verð.

5.9. ÁTVR getur samið við birgi um að nokkurt magn vöru hans sé vistað hjá ÁTVR til að flýta megi afhendingu áfengis til kaupanda.

6. Ábyrgð á vöru.

6.1. Um ábyrgð gagnvart þriðja aðila gilda almennar reglur.

6.2. Birgir taki til sín og endurgreiði við móttöku vöru sem er ósöluhæf vegna gallaðra umbúða eða innihalds.

6.3. Taki birgir eigi til sín gallaða vöru eða vöru sem ekki hefur selst nægilega í reynsluflokki eða mánaðarflokki áskilur ÁTVR sér rétt til að krefjast geymslugjalds fyrir vöruna. ÁTVR er heimilt að láta eyða vörunni á kostnað birgis þegar tvær vikur eru liðnar frá því birgi var tilkynnt að hann ætti að taka vöruna til sín.

Reglur þessar koma í stað reglna frá 1. mars og 1. ágúst 1996 og taka gildi 1. mars 1997. Ákvæði tl. 1.6 taka þó ekki gildi fyrr en 1. október 1997. Um brottfellingu vöru úr söluflökkum til 1. október fer eftir reglum frá 1. mars 1996.

Til 1. maí 1997 skal söluéining bjórs í smásölu innihalda a.m.k. 1,5 lítra. Sama gildir um söluéiningu annars áfengis sem hefur undir 6% vínanda miðað við rúmmál.

Reykjavík, 27. febrúar 1997.

Í stjórn Áfengis- og tóbaksverslunar ríkisins:

Hildur Petersen

Dórarinn Sveinsson

Árni Tómasson

Með vísan til 13. gr. reglugerðar nr. 607/1995, um Áfengis- og tóbaksverslun ríkisins, staðfestast reglur þessar hér með.

Fjármálaráðuneytinu, 28. febrúar 1997.

F. h. r.

Indriði H. Þorláksson.

Áslaug Guðjónsdóttir.

Nr. 187

14. mars 1997

GJALDSKRÁ

fyrir hundahald í Kópavogi.

1. gr.

Af hundum í Kópavogi skal bæjarsjóður Kópavogs innheimta gjöld samkvæmt gjaldskrá þessari, sem ætlað er að standi undir kostnaði við framkvæmd heilbrigðissamþykktar um hundahald, sbr. staflíð c. í 3. gr. samþykktar nr. 257/1988 um hundahald í lögsagnarumdæmi Kópavogs.

2. gr.

Við umsókn um leyfi til hundahalds skal innheimta gjald sem hér segir:

Leyfisveiting	kr. 8.000
Leyfisveiting eftir útrunnin frest	" 12.600
Bráðabirgðaleyfi	" 2.000

3. gr.

Af hverjum leyfðum hundi skal innheimta árlegt eftirlitsgjald kr. 5.500.

Ekki skal innheimta eftirlitsgjald sama ár og leyfi er veitt.

4. gr.

Við afhendingu handsamaðs hunds ber að innheimta gjald sem hér segir:

Afhending	kr. 10.000
Fyrsta afhending hunds með leyfi og ef eftirlitsgjald og vottorð er í skilum við handsömun	" 5.000

Að auki skal greiða þann kostnað sem leggst á vegna dvalar eða geymslu viðkomandi hunds. Óskráða hunda má ekki afhenda fyrr en að lokinni skráningu.

5. gr.

Gjalddagi samkvæmt 3. gr. er 15. mars og eindagi 15. maí ár hvert. Dráttarvextir reiknast frá gjalddaga séu gjöldin ekki greidd á eindaga. Um innheimtu gjalda fer samkvæmt